



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2018. GODINU NEOVISNE LISTE „ZA KUPRES“

Broj: 03-07-6-493/20
Sarajevo, 15.09. 2020. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole.....	4
Cilj pregleda i kontrole	4
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1 NALAZI.....	5
5.2 PREPORUKE	7

MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja Neovisne liste „Za Kupres“ za 2018. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2018. godinu, utvrđeno je da je Neovisna lista „Za Kupres“ prekršila odredbe člana 5. stav (4), člana 11. stav (1) i člana 12. stav (1), (4) i (5) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Neovisne liste „Za Kupres“ za 2018. godinu.

Pregled i kontrola finansijskih izvještaja provedeni su u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Neovisna lista „Za Kupres“ se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	310,00	100,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	310,00	100,00
II	Ostali prihodi i drugo	0,00	0,00
	Izvori finansiranja (I+II)	310,00	100,00

U godišnjem finansijskom izvještaju stranka je iskazala rashode u ukupnom iznosu od 1.343,44 KM.

2. PREDSTAVLJANJE POLITIČKE STRANKE

Naziv političke stranke je Neovisna lista „Za Kupres“. Skraćeni naziv je NLK.

Neovisna lista „Za Kupres“ upisana je u registar kod Općinskog suda u Livnu, Rješenjem broj: 068-0-F1-12000002 od dana 15.05.2012. godine.

Sjedište političke stranke je u Kupresu, Magistralni put bb.

Lice ovlašteno za zastupanje stranke je Stipo Ćurković, predsjednik.

Lice ovlašteno za podnošenje finansijskih izvještaja za 2018. godinu je Verica Bagarić.

Prema podacima iz godišnjeg finansijskog izvještaja Neovisna lista „Za Kupres“ nema niže nivoe organizovanja

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Neovisne liste „Za Kupres“ za 2018. godinu.

Cilj pregleda i kontrole je da revizor na bazi finansijskih izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja

zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Neovisne liste „Za Kupres“ obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskim izvještajima sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled i reviziju finansijskih izvještaja Neovisne liste „Za Kupres“ u periodu od 2012. do 2015. godine, a potom pregled godišnjeg finansijskog izvještaja za 2017. godinu. Politička stranka nije podnijela godišnji finansijski izvještaj za 2016. godinu, pa je Centralna izborna komisija BiH, odlukom broj: 03-07-6-28/18 od 24.05.2018. godine izrekla novčanu sankciju i političkoj stranci i licu odgovornom za vođenje poslovnih knjiga i podnošenje finansijskih izvještaja.

Nakon izvršenog pregleda finansijskog izvještaja za 2017. godinu, izdat je izvještaj o pregledu sa mišljenjem revizora, nalazima i preporukama stranci: da vodi evidencije o nenovčanim donacijama, bez obzira na koji način ih ostvaruje, da finansijske izvještaje podnosi u zakonom propisanom roku, da poslovne knjige vodi u skladu sa računovodstvenim propisima, odnosno da vodi pravilne evidencije o svojim prihodima i rashodima i da finansijske izvještaje koje podnosi Centralnoj izornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2018. godinu, utvrđeno je da politička stranka, nije ispoštovala preporuke revizije.

5. NALAZI I PREPORUKE

5.1 NALAZI

a) Neovisna lista „Za Kupres“ je prekršila odredbe člana 5. stav (4) Zakona o finansiranju političkih stranaka.

Politička stranka u poslovnim knjigama i godišnjem finansijskom izvještaju nije uspostavila evidenciju o nenovčanoj donaciji koju je ostvarila besplatnim korištenjem poslovnog prostora.

Na zahtjev Centralne izborne komisije BiH političkoj stranci da dostavi dokaze o korištenju poslovnog prostora, obzirom da u finansijskom izvještaju nije iskazala trošak zakupnine, stranka je dostavila izjavu, u kojoj navodi da je bez novčane naknade koristila poslovni prostor u vlasništvu Stipe Ćurkovića na adresi Magistralni put bb Kupres.

U skladu sa odredbama iz člana 5. stav (4) Zakona o finansiranju političkih stranaka, Neovisna lista „Za Kupres“ je bila dužna uspostaviti evidenciju o prijemu navedenog nenovčanog priloga, te isti prijaviti u finansijskom izvještaju.

b) Politička stranka nije postupila u skladu sa odredbama člana 11. stav (1) i člana 12. stav (1), (4) i (5) Zakona o finansiranju političkih stranaka.

Pregledom godišnjeg finansijskog izvještaja, finansijske dokumentacije koju je politička stranka dostavila na zahtjev Centralne izborne komisije BiH, te dokaza iz drugih izvora utvrđeno je da evidencije o prihodima, troškovima i novčanim tokovima nisu sačinjene u skladu sa računovodstvenim propisima, finansijski izvještaj Centralnoj izornoj komisiji BiH nije podnesen u zakonom propisanom roku i izvještaj nije popunjen u skladu sa odredbama

Pravilnika o godišnjim finansijskim izvještajima političkih stranaka (u daljem tekstu: Pravilnik), te nije dostavila kopiju završnog računa ovjerenog od nadležne institucije.

(1) Godišnji finansijski izvještaj za 2018. godinu Neovisna lista „Za Kupres“ nije podnijela u zakonom propisanom roku.

- Politička stranka je aktom Centralne izborne komisije BiH, broj: 03-07-6-129/19 od 12.02.2019. godine obaviještena da je obavezna finansijski izvještaj podnijeti do 31.03.2019. godine. Obzirom da stranka nije postupila po navedenom aktu, odnosno nije podnijela izvještaj, upućena joj je urgencija, broj: 03-07-6-395-1/19 od 17.04.2019. godine, kojom je stranci ponovo ukazano na obavezu podnošenja godišnjeg finansijskog izvještaja za 2018. godinu.

- Godišnji finansijski izvještaj za 2018. godinu Neovisna lista „Za Kupres“ je podnijela sa kašnjenjem, dužim od godinu dana od zakonom propisanog roka. Elektronski, putem aplikacije „FI CIK BIH“ izvještaj je podnijela 19.05.2020. godine. Izvještaj u čvrstoj kopiji, koji je odštampani iz aplikacije u PDF formatu, ovjeren potpisom ovlaštenog lica i pečatom političke stranke, Neovisna lista „Za Kupres“ je dostavila Centralnoj izbornoj komisiji BiH 29.05.2020. godine.

U skladu sa odredbama člana 12. stav (4) Zakona o finansiranju političkih stranaka, Neovisna lista „Za Kupres“ je bila obavezna izvještaj podnijeti Centralnoj izbornoj komisiji BiH do 31.03.2019. godine i elektronski i u čvrstoj kopiji.

(2) Poslovne knjige stranka nije vodila u skladu sa računovodstvenim propisima, čime je prekršila odredbe člana 11. Zakona o finansiranju političkih stranaka, nije uspostavila evidenciju o rashodima i prometu putem transakcijskog računa, te u finansijskom izvještaju nije iskazala njihovo stvarno stanje, čime je prekršila odredbe člana 12. stav (1) i (4) istog zakona.

- Početno stanje sredstava na transakcijskom računu, na dan 01.01.2018. godine, u poslovnim knjigama i finansijskom izvještaju je iskazano u iznosu od 1.033,00 KM, promet ulaza u iznosu od 310,00 KM, promet izlaza u iznosu od 1.343,44 KM i negativan saldo računa na dan 31.12.2018. godine u iznosu od -0,44 KM.

Uvidom u izvode sa transakcijskog računa stranke, utvrđeno je početno stanje u iznosu od 1.025,44 KM, promet ulaza u iznosu od 310,00 KM, promet izlaza 1.335,44 KM, te saldo računa na dan 31.07.2018. godine od 0,00 KM¹.

- Stranka nije u poslovnim knjigama i finansijskom izvještaju evidentirala nenovčanu donaciju, koju je ostvarila korištenjem poslovnog prostora bez naknade, čime je prekršila odredbe člana 13. i 18. Pravilnika.

- Politička stranka nije iskazala ni troškove zakupnine poslovnog prostora, čime je prekršila odredbe člana 21. i 22. Pravilnika.

- Neovisna lista „Za Kupres“ je platila novčanu kaznu, u iznosu od 200,00 KM, koja je izrečena licu odgovornom za vođenje poslovnih knjiga i podnošenje finansijskih izvještaja. U finansijskom izvještaju istu je prijavila kao trošak političke stranke. U skladu sa važećim propisima politička stranka ne može plaćati kazne u ime drugih lica, niti ih smatrati svojim troškovima.

(3) Politička stranka nije dostavila kopiju godišnjeg obračuna (završnog računa za 2018. godinu).

Aktom Centralne izborne komisije BiH, broj: 03-07-6-493-2/20 od 01.06.2020. godine politička stranka je obaviještena da je, u skladu sa odredbom iz članom 4. stav (2) Pravilnika o godišnjim finansijskim izvještajima političkih stranaka, uz finansijski izvještaj dužna dostaviti kopiju

¹ Politička stranka je dostavila izjavu u kojoj se navodi da od 31.07.2018. godine nije bilo prometa putem transakcijskog računa

godišnjeg obračuna ovjerenog od nadležne institucije (Završni račun za 2018. godinu ovjeren od strane Finansijsko-informatičke agencije – FIA).

Neovisna lista „Za Kupres“ ni nakon obavještenja Centralne izborne komisije BiH nije dostavila navedeni obračun.

5.2 PREPORUKE

Preporučuje se Neovisnoj listi „Za Kupres“ da se pridržava odredaba Zakona o finansiranju političkih stranaka i odredaba Izbornog zakona Bosne i Hercegovine, a posebno na osnovu uočenih nedostataka se preporučuje:

- *da vodi evidencije o primljenim donacijama, bez obzira na koji način ih ostvaruje,*
- *da poslovne knjige vodi u skladu sa računovodstvenim propisima,*
- *da uspostavi potpune i tačne evidencije o prihodima, rashodima i novčanim tokovima,*
- *da finansijske izvještaje Centralnoj izbornoj komisiji BiH podnosi u zakonom propisanim rokovima,*
- *da finansijske izvještaje popunjava u skladu sa podzakonskim aktima koje je donijela Centralna izborna komisija BiH i*
- *da dostavlja dodatnu finansijsku dokumentaciju koju od nje zatraži Centralna izborna komisija BiH.*

KOMENTAR

Politička stranka se u datom roku nije očitovala na nalaze revizije navedene u Preliminarnom izvještaju o pregledu godišnjeg finansijskog izvještaja za 2018. godinu.

Pomoćnik revizora

Mr.sc. Goran Cicović

Šef Službe za reviziju, revizor

Mr.sc. Hasida Gušić